



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2019 йил 18 июль, № 146 (7376) • Пайшанба

Сайтимизга ўқиш учун QR-коднинг телефонингиз орқали сканер қилинг.



ЖОНАЖОН ЎЗБЕКИСТОНИМ, МАНГУ БЎЛ ОМОН!

«Навоий ИЭС»:

ТЕЖАМКОР ТЕХНОЛОГИЯЛАРНИНГ ЯНГИ ИМКОНИАТЛАРИ



Шу боис сўнгги йилларда мамлакатимиз Президенти ташаббуси билан энергетика тармоқларини замонавий тежамкор технологияларни жорий этган ҳолда модернизация қилиш ишлари олиб борилмоқда. Бу эса республика-

миз электр энергияси таъминотида яхлит занжир барқарорлигини, иқтисодий субъектларнинг бир маромда ишлашини таъминлаётди. Мазкур занжирнинг муҳим ҳалқаларидан бири «Навоий иссиқлик электр станцияси»

АЖДА амалга оширилган дастлабки инвестициявий лойиҳа натижасида мамлакатимиз энергетика тармоғида илк замонавий технологияларга асосланган бошқарув тизимига ўтилганида намоз бўлмоқда.

2030 йилга бориб мамлакатимизда электр энергиясига эҳтиёж қарийб икки баробар ортиб, йиллик истеъмол ҳажми 100 миллиард килловатт-соатга етиши кутилмоқда. Табиийки, бу юртимиз энергетика тизимида туб ислохотларни амалга ошириш, электр энергияси ишлаб чиқариш тармоқларида энг илгор ва тежамкор, экологик меъёрларга мос технологияларни жорий қилиш, кадрлар салоҳиятини юксалтиришни талаб этади. Зеро, ҳамма турдаги истеъмолчиларнинг электр энергиясига бўлган эҳтиёжини имкон қадар тўла қондириш тараққиётнинг муҳим таянчи ва мамлакат инвестициявий жозибдорлигининг асосий шартидир.



ҲУКУМАТЛАРАРО КОМИССИЯ МАЖЛИСИ

Тошкентдаги Халқаро ҳамкорлик марказида 17 июль кuni Савдо-иқтисодий ҳамкорлик бўйича Ўзбекистон — Афғонистон ҳукуматлараро комиссияси мажлиси бўлиб ўтди.

Тадбирда икки мамлакатнинг ташқи иқтисодий алоқалар, савдо-саноат, сармоя, энергетика, нефть-газ, божхона, транспорт ва транспорт коммуникациялари, темир йўл, авиаташув, машина-созлик, электр техникаси, қурилиш, қишлоқ ҳўжалиги, озиқ-овқат саноати, фармацевтика соҳаларида фаолият кўрсатаётган вазирилик ва идоралари, компаниялар, ишбилармон доиралари вакиллари иштирок этди.

Комиссия хамраислари — Ўзбекистон Республикаси Бош вазири маслаҳатчиси, «Ўзғротехсаноат-холдинг» акциядорлик жамияти бошқаруви раиси Нодир Отажонов ва Афғонистон Ислам Республикаси Президентининг катта маслаҳатчиси, молия вазири Муҳаммад Хумоюн Қаюмий мамлакатларимиз ўртасидаги савдо, иқтисодий, транспорт ва энергетика, таълим соҳаларидаги ҳамкорлик изчил ривожланиб бораётганини таъкидлади.

Ўзбекистон бугунги кунда Афғонистондаги қурилиш, энергетика, тоғ-кон саноати ва таълим соҳаларидаги лойиҳаларда иштирок этиб келмоқда. Мамлакатимизнинг ёрдами билан Афғонистонда кўприклар, юқори вольтли электр линиялари, оптик-тонали кабел линиялари, сув таъминоти тармоғи барпо этилди. Хайратондан Мозори-Шарифга темир йўл линияси қурилди. «Сурхон — Пули — Хумри» электр узатиш линиясининг қурилиши бўйича келишувлар икки мамлакат ўртасида энергетика соҳасидаги ҳамкорликда янги саҳифа очди. Навбатдаги кўшма лойиҳа Мозори-Шариф — Шибиргон — Маймана — Хирот темир йўлини биргаликда барпо этишидир.

Мамлакатимиздан Афғонистонга электр энергияси, мена-сабзавотлар, нефть маҳсулотлари, минерал ўғитлар экспорт қилинмоқда. Ўзбекистонда афғонистонлик сармоядорлар иштирокида тузилган қатор корхоналар

фаолият кўрсатмоқда. Улар савдо, хизмат кўрсатиш, қурилиш материаллари ишлаб чиқариш каби соҳаларда иш юритмоқда. Афғонистон Ислам Республикаси Президентининг катта маслаҳатчиси, комиссия хамраиси Муҳаммад Хумоюн Қаюмий иқтисодий турли соҳаларида ҳамкорликни ривожлантириш бўйича фойдаланилмаган имкониятлар кўп эканини таъкидлади. Савдо-иқтисодий алоқаларни янада ривожлантириш учун амалий чора-тадбирлар кўрилиб, темир йўл, транзит ва бошқа тўловлар тариф нархларининг туширилаётганини ўзаро товар айирбошлаш ҳажмини сезиларли ошириш учун янада қулай шарт шартларни кайд этилди.

— Ўзбекистонда иқтисодий диверсификациялаш ва саноатни модернизациялашга йўналтирилган кенг қўламли ислохотлар эътиборга молик, — деди Муҳаммад Хумоюн Қаюмий. — Комиссия мажлиси икки мамлакат ўртасидаги ҳамкорликни янада фаоллаштириш, истиқболли кўшма лойиҳаларни амалга ошириш масалаларини муҳокама этиш учун қулай имконият бўлди. Ўзбекистон билан савдо, энергетика, қишлоқ ҳўжалиги, транспорт ва коммуникациялар каби соҳалардаги алоқаларни янада ривожлантиришдан манфаатдоримиз.

Ўзбекистон Республикаси Бош вазирининг Афғонистонга яқинда амалга оширган ташрифи чоғида қишлоқ ҳўжалиги соҳасида ҳамкорликни янада ривожлантириш, Афғонистонда етиштирилаётган пахта хом ашёсини сертифициклаш, ўсимликларни химоя қилиш бўйича кадрларни тайёрлаш, пестицидларни етказиб бериш, қишлоқ ҳўжалигини механизациялашга ёрдам кўрсатиш ва тажриба алмашишларни ташкил этишга доир келишувларга эришилган эди.

Депутат фикри

Солиқ сиёсатига оид навбатдаги ўзгаришлар халқимизга нима беради?

Бундан йигирма кун муқаддам Президентимизнинг «Солиқ ва божхона имтиёзлари берилишини янада тартибга солиш чора-тадбирлари тўғрисида»ги Фармони эълон қилинди. Унда 2019 йил 1 августдан бошлаб, ягона ер солиғи тўловчиси ҳисобланган қишлоқ ҳўжалиги товарлари ишлаб чиқарувчилари икхтиёрий равишда қўшилган қиймат солиғини тўлашга ўтиши қайд этилган.

Табиий савол туғилади: ҳўш, бунга қандай зарурат бор эди? Қишлоқ ҳўжалиги маҳсулотларини етиштирувчи фермер ва бошқа корхоналар қўшилган қиймат солиғига ўтказилиши тўғрисида нархлар ошиб кетмайдими? Бу юрдошларимизга қийинчиликлар туғдирмайдими?

Албатта, шу каби саволлар аҳолининг, жумладан, сайловчиларимиз томонидан ҳам кўп берилмоқда.

Шуни инобатга олиб, мавзуга чуқурроқ ёндашиб, айрим саволларга жавоб излашга ҳаракат қилдик.

Сенатор минбари

Энди олий ва ўрта махсус таълим сифати яхшиланади

Инсон илм зиёси билан ўз йўлини ёритмас экан, зулмат қуршоғида қолиб кетиши мумкин. Қалб эса илму маърифатдан қувватланади. Боз устига, қаердаки илм ва маърифат кучли бўлса, ўша ерда бахт тўқис бўлади, одамлар шодмонликда умр кечиради...

Бу ҳақда бежиз гап очмадик. Ана шу ҳаётий ҳақиқатни теран анлаган Президентимиз сўнгги вақтларда асосий эътиборни юртимизда ривожланган ва замонавий таълим тизимини шакллантиришга қаратмоқда. Хусусан, қатор Фармон ҳамда қарорлар қабул қилинди, тегишли қонунлар ҳаётга изчил татбиқ этиляпти. Буларнинг ихроси доирасида қисқа вақт ичида худудларда янги, жумладан, хорижий таълим муассасала-

ри очилиб, талаб жуда юқори бўлган мутахассислар тайёрлаш учун шарт-шароит яратилмоқда.

Давлатимиз раҳбари томонидан ўтган ҳафтада қабул қилинган олий ва ўрта махсус таълим тизимида бошқарувни ислох қилиш ҳамда тақомиллаштиришга қаратилган Фармон ва қарор соҳадаги ислохотларни янги босқичга олиб чиқишга қаратилгани билан ниҳоятда аҳамиятлидир.

«Обод марказ» дастури:

ОДАМЛАРГА БАХТ УЛАШГАН ЭЗГУЛИК УНИНГ САМАРАСИ НАМАНГАН ВИЛОЯТИДА ҲАМ БЎЙ КЎРСАТДИ.



Давлатимиз раҳбари Шавкат Мирзиёевнинг жорий йил 29 февраль — 1 март кунлари Наманган вилоятига ташрифи чоғида берилган топшириқлар асосида вилоят бўйича «Обод марказ» дастури ишлаб чиқилган ва Наманган тумани маркази — Тошбулоқ шаҳарчаси шу дастурга киритилган эди. Ўтган даврда бу ерда амалга оширилган катта ҳажмдаги бунёдкорлик ишлари шарофати билан Тошбулоқ ҳам ҳар жиҳатдан тўқис, аҳоли учун барча шарт-шароит ва имкониятлар яратилган худудга айланди.



Президент ташрифидан сўнг

Туман марказини кўрам шаҳарга айлантириш бўйича тузилган режага асосан, ишлаб чиқариш, хизмат кўрсатиш ва иқтисодий йўналишлардаги 209 та объектида жами қиймати 102 миллиард сўмлик қурилиш ҳамда таъмирлаш ишлари бажарилади. Масалан, Маданият саройи, Давлат хизматлари маркази, «Бахт уйи», Халқ қабулхонаси, Давлат солиқ инспекцияси, Санитария-эпидемиология назорати

маркази, Фавқуллода вазириятлар ва бошқа бир қатор муассасаларнинг янгиланган бинолари, кўп қаватли турар-жойлар шаҳар қиёфасини бутунлай ўзгартди юборди, десак, муболага эмас.

Марказдан ўтган автомобиль йўлининг равонлиги, унинг икки тарафи янада обод қилинганлигидан, айниқса, аҳоли хурсанд. Хусусан, Тошбулоқ — Шаҳанд йўлининг 5 километр қисми янгиланганидан

сўнг бу ерда тўрт полосали катнов имконияти яратилди. И. Раҳматов кўчасидаги 2 километрли йўл ҳам янгиланиб, асфальт ётқизилди. Худудда узоқ йиллардан бунён оғирлиги масала бўлиб келатган канализация, электр энергияси ва табиий газ тармоқларини таъмирлаш ҳамда янгиланиши барпо этиш масаласи ижобий ҳал қилинди.

Жўрабек МУРОДОВ, Тожикистон халқ артисти:

«Ўзбекистон турли халқлар санъати муштараклигига асос солмоқда»



Бугунги кунда давлатимиз раҳбари томонидан узоқни кўзлаб олиб борилётган ташқи сиёсат соҳасида, айниқса, қўшни мамлакатлар билан яқин алоқалар алоҳида ўрин тутди. Асрлар давомида бир дарёдан сув ичиб, бир заминда улғайган ўзбегу тожик биродарларнинг тили бошқа эса-да, қалби бир, санъати муштарак. Дунёдаги турли халқлар орасида, айниқса, ўзбек муҳлисари ўртасида катта шухрат қозонган Тожикистон халқ артисти Жўрабек МУРОДОВ муҳбиримиз билан суҳбатда бу ҳақиқатни яна бир бор эътироф этди.

Эксклюзив интервью

— Мен туғилиб ўсган тоғлар бағридаги қишлоқ номи Кўхруд деб аталади. Кўх — тоғ, руд — ариқ. Ўзбек тилида кенг қўла-надиган «қуҳлик» сўзини эсласангиз, бу «тоғлик қиз» дегани эканини унутманг. Болалик чоғимизда қишлоғимиз ўртасидан шарқираб оқадиган сойнинг бир томонида йигитлар, иккинчи томонида қизлар туриб қўшиқлар қуйлашарди. Уларнинг овозини тойдан-тошга урилиб шарқираб оқётган

сой баъзан босиб кетса, баъзан қўшиқ оҳанглари таъсирида сувлар ҳам жимиб кетгандек бўларди. Оҳ, қандай гўзал чоғлар эди у дамлар!

Тоғ бағирларига тожик қишлоқлари билан ёнма-ён ўзбек қишлоқлари ҳам сочилиб кетганди. Халқларимизни беҳиз «қошу қўз» деб таърифлашмайди-да!

Хизмат

Сўғурта бозоримиз талаб даражасидами?

Мамлакат иқтисодиёти барқарорлиги, аҳоли турмуш даражаси яхшилланишида сўғурта хизматларининг алоҳида ўрни бор. Бинобарин, мазкур соҳа қанчалик ривожланса, иқтисодий тармоқлари турли молиявий хатарлардан шунчалик химояланади. Аҳолининг ушбу хизматлардан фойдаланиши имконияти кенгайди.

Шундай экан, сўғурта бозоримиз талаб даражасидами? Хизматлар барча жабҳани қамраб оляптими? Ушбу саволларга яқинда Президентимиз Шавкат Мирзиёев томонидан сўғурта хизматлари бозорини ривожлантириш масалалари бўйича ўтказилган йиғилишда батафсил жавоб берилди.

Айтиш жоизки, йиғилиш танқидий-тахлилий руҳда ўтгани ҳали тармоқда қилиниши лозим бўлган ишлар жуда кўплигини билдиради. Бунга мисол тариқасида айтилган биргина ушбу рақамни келтириш kifof. Яъни айни пайтда мамлака-

тимиз ялли ички маҳсулотиде ушбу соҳанинг улуши бор-йўғи 0,4 фоизни ташкил этмоқда. Ваҳоланки, бу кўрсаткич Жанубий Кореяда 11, Германияда 6, Россияда 1,5 фоизга етган.

Ҳозирги кунда республикаимизда қарийб 30 та су-



ғурта компанияси фаолият юритмоқда. Ўтган йили улар томонидан 1 триллион 635,2 миллиард сўмлик сўғурта муқофотлари, 460,8 миллиард сўмлик сўғурта тўловлари амалга оширилган.



Зомин бағридаги замонавий оромгоҳ

келгусида йил давомида фаолият юритади

Президентимиз ташаббуси билан Зомин тоғлари бағрида жойлашган Қўриқ қишлоғида замонавий болалар оромгоҳи бунёд этилди. Сирдарё вилояти қасаба уюшмалари ташкилотлари бирлашмасига қарашли мазкур кўркем маскан мавсумда 800 нафар ўқувчини қабул қилади. Оромгоҳ маъмуриятдан маълум қилинишича, келгусида у йил давомида фаолият кўрсатади. Энди ўғил-қизлар бу ерга киши таътилда ҳам келишлари мумкин.



— “Зомин” янгича ёндашув ва замон талабларига мос лойиҳа асосида барпо этилган болалар оромгоҳларидан биридир, — дейди Сирдарё вилояти қасаба уюшмалари ташкилотлари бирлашмаси раиси Рустам Турсунмуродов. — Унда ўғил-қизларимизнинг мароқли хордиқ олишлари учун барча шароит мавжуд. Бу ерда Президентимизнинг беш муҳим ташаббуси ижроси доирасида болажонларнинг китобхонлик, спорт, санъат билан шугулланишлари ва турли тўғаракларда иштирок этишлари эътиборга олинган. Янги оромгоҳда ҳар саккиз нафар бола учун алоҳида ётоқ, ювиниш хоналари хозирланган, ҳар бир хонага телевизор ўрнатилган ва уларда марказлашган бошқарув асосида болаларга мўлжалланган кўрсатувлар

намоиш этилади. Шунингдек, ўғил-қизлар оромгоҳ томонидан кийим-бош ва бошқа воситалар ҳамда турт маҳал иссиқ овқат билан таъминланади. Яна бир жиҳати, узунлиги 50 метрлик бассейнга уланган замонавий қурилма сув ҳароратини доимо 26 даражада ушлаб туради. “Гулистон” ва “Сирдарё” болалар оромгоҳлари билан бирга дам олиш мавсумида жами 2000 нафар ўқувчи хордиқ чиқариши кўзланган. Таъкидлаш жоизки, вилоятда жорий йилда ўқувчиларни кундузги оромгоҳларга қамраб олиш кўлами ҳам сезиларли даражада кенгайди, бундай масканлар 50 та умумтаълим мактаби қошида ташкил қилинди. Уларда 12 минг 400 нафар болани қабул қилиш имконияти яратилди.

Беш ташаббус — амалда

Оромгоҳ очик осмон остида — шаҳар атрофидаги ўрмон ичида барпо этилди. Ушбу масканда Президентимизнинг беш муҳим ташаббусига мос равишда беш “шаҳарча” бунёд этилди. Гуруҳлар навбат билан “шаҳарча”ларга ташриф буордилар, зарур машғуллар билан шугулланадилар. Дам олиш мавсуми уч босқичда давом этиши мўлжалланган. Ўзбекистон Қасаба уюшмалари Федерацияси бўлим мудири Шўхрат Деҳқоннинг айтишича, бундай масканлар қаторига шу йилнинг ўзида туртта болалар оромгоҳи қўшилди. Булар “Зомин”, Тошкент вилоятининг Бўстонлик туманидаги “Анор”, Шаҳрисабздаги “Зиё чашмалари” оромгоҳлари-

дир. Мўйноқда ташкил этилаётган 400 ўринли дам олиш маскани эса ўзгача кўринишда бўлиши кўтилмоқда. Ушбу маъмуани қуришда янгича лойиҳа ва замонавий материаллардан фойдаланилантипти. Боғ ва гулзорлар ташкил қилиниб, чўл ўртасидаги яшил мўъжиза — оазис яратилади. Ушбу болалар оромгоҳи келгусида қуриладиган шундай ишоотлар учун намуна бўлиб хизмат қилиши режалаштирилган. Яқин йиллар ичида мамлакатимизда халқаро миқёсга эга ўқувчилар дам олиш масканини ҳам барпо этиш мўлжалланаёттир.

Аҳмадали ШЕРНАЗАРОВ («Халқ сўзи»). Мухаммад КАРИМ олган суратлар.



Сугурта бозоримиз талаб даражасидами?

Бу кўпми ёки кам? Ўзбекистон аҳолиси, кейинги пайтларда иқтисодиёт тармоқларидаги жадал тараққиётни, хизмат кўрсатиш соҳасидаги талаб ва эҳтиёжларни инобатга оладиган бўлсак, олдинда қилинадиган ишлар талайгина эканлиги аён бўлади. Шу маънода, давлатимиз раҳбарининг “Соҳага назоратчи эмас, илгор ва замонавий стандартларни жорий этишда, барча иштирокчилар ўртасида чинакам рақобат муҳитини яратиб, сугурта бозорини ривожлантирадиган тузилма керак”, дея таъкидлагани бежиз эмас.

Шундан келиб чиқиб, эндиликда Молия вазирлиги хузуридаги Сугурта назорати давлат инспекцияси ўрнида Сугурта бозорини ривожлантириш агентлиги ташкил этилади. Бундан ташқари, соҳани ўрта ва узоқ муددатли ривожлантириш стратегияси ҳам ишлаб чиқилади. Пировардида 2022 йилгача аҳоли жон бошига тўғри келадиган сугурта мукофоти ҳажмининг 3 баробар, соҳанинг яқин ички маҳсулотдаги ҳиссасининг эса 2 баробар ошириш имконини яратилади.

Хозирги кунда республикамизда қарийб 30 та сугурта компанияси фаолият юритмоқда. Ўтган йили улар томонидан **1 триллион 635,2 миллиард сўмлик** сугурта мукофотлари, **460,8 миллиард сўмлик** сугурта тўловлари амалга оширилган. Бу кўпми ёки кам?

содий ислохотлар сугурта компаниялари олдига ҳам янги талабларни қўймоқда. Шунинг билан бирга, жорий йилда компаниямиз таркибиде Истикболли лойиҳалар ва ташқи алоқалар департаменти фаолиятини йўлга қўйдик. Мазкур департамент истиқболли лойиҳаларни амалга ошириш, янги хизмат турларини тақдим этиш, ички ва халқаро сугурта бозорларига интеграциялашувни қучайтириш, ўзаро манфаатли алоқаларни мустаҳкамлаш билан шугулланади.

Шу билан бирга, мамлакат иқтисодиёти ҳамда халқимиз эҳтиёжларининг ҳисобга олиб, ҳаёт сугуртаси соҳасида фаолият юритувчи “ALSKOM-VITA” МЧЖ сугурта компаниясига асос солдик. У келгусида тиббиёт сугуртаси йўналишида ҳам кенг фаолият олиб боради.

Аҳоли учун хизматлар тури ва сифатини ошириш борасида ўртага ташланаётган вазифалар, яратилаётган шарт-шароитлар фаолиятимизга пойдевор бўлаётгани аниқ. Лекин бугунги ҳолат иш кўлами ва сифатини янада кенгайтиришни тақозо этмоқда. Зотан, қачонки, ўз хизматларимиз билан мижозларга эътиборини қозонсангина, қўзланган мақсадларга эришамиз.

Тоҳиржон ИМИНОВ, «Alskom» сугурта компанияси акциядорлик жамияти бош директори, иқтисодий фанлари доктори, профессор.

Жўрабек МУРОДОВ, Тожикистон халқ артисти:

«Ўзбекистон турли халқлар санъати муштараклигига асос солмоқда»

У маҳалларда овоз қучайтиргичлар бўлмаса-да, ўзбек қишлоқларидаги тўй-томошаларга ташриф буюрган Комилжон Отаниёзов, Маммурижон Узоқов, Жўрабек Муҳаммаднинг сингари оташнафас ўзбек қўшиқчиларининг овозлари узоқ-узоқларга таралиб, ўзига чорлаб турарди. Биз эшак миниб, от миниб улар қўшиқ айтаётган давралар томон ошиқардик. Она қишлоқимиздаги сойнинг икки томонида туриб қўшиқ куйлаш қадимий анъанаси қалбимизда санъатга ҳавас уйғотган бўлса, ўзбек қўшиқчилари таъсирида бу ҳавас менинг ҳақиқий санъаткорга айланганимга туртки берди, деб бемалол айта оламиз. Ҳалима Носирова ва Саодат Қобулова қўшиқлари мени қанчалик ром этган бўлса, Камолдин Раҳимов, Фахриддин Умаровларга ҳам шунчалик муҳлислик қилдим. Ортик Отажонов, Отажон Худойшукуров, Шерали Жўраев билан дўстлашиб, ҳаммиса яқин алоқада бўлиб келдик.

Мен болаликдан Комилжон Отаниёзовнинг қўшиқларини эшитиб, санъатга меҳр қўйдим, у кишига ҳавас қилиб тор чалишни ўргандим. У киши билан кўришиш, суҳбатлашиш, концертларда биргаликда иштирок этиш насиб қилганини фахр билан эслаймиз. Шавкат Мирзиёев Жаноби Олийларини санъат ва адабиёт ихлосманди сифатида Ўзбекистонда маданият-маърифий жаҳалларда ҳам беқибё ислохотларни амалга оширмоқда. Мен бунга Комилжон Отаниёзовнинг 100 йиллиги нишонлиниши муносабати билан Ўзбекистонда бўлиб, қатор тadbирларда иштирок этганимда амин бўлдим.

Самарқандда сўнгги бор ўтказилган дунёга машҳур “Шарқ тароналари” нуфузли анжуманига жаҳоннинг кўлаб машҳур санъаткорлари қатори лутфан тақлиф этилганимдан бошим осмонга етди. Ушбу анжуманда 58 та давлат вакиллари қатнашди. Бу ҳазил гап эмас. Мазкур санъатнинг халқлар ўртасида нечоғли юксак аҳамиятга эга экани исботидир.

Ўзбеғу тожик халқлари ҳақида сўз кетганда, беихтиёр ҳар икки тилда бирдек юксак камолот билан ижод қилган зуллисон-найн шоир Низомиддин Алишер Навоийнинг “чашмони туркнаву мижхони тожикона” — “қўзлари туркнаву киприклари тожикона” деган сатри ёдимга тушади.

Ўзбекистон Президенти Шавкат Мирзиёевнинг минтақада жойлашган мамлакатлар билан ўзаро муносабатларни мустаҳкамлаш борасидаги ташаббуслари бугун ўз меваларини бермоқда. Санъатнинг қудратли қучи-га Ўзбекистонда алоҳида эътибор берилаётгани, санъат соҳасида халқаро анжуманлар ўтказилиши таҳсинга лойиқ ташаббуслардан ҳисобланади. Бунинг учун биз — Марказий Осиё минтақасида истиқомат қилувчи барча халқлар Шавкат Мирзиёев Жаноби Олийларидан ҳар қанча миннатдор бўлсак арзийди. Мен кўп раҳбарларни кўрганман, лекин халқига бунча яқин бўлиш, одамларнинг дилидагини билиш ҳаммининг ҳам қўлидан келавермайдими. Ўзбекистонга ёғилаётган нур ва барақа Тожикистон халқининг қалб чирогини ҳам нурафшон этаётганини фахр билан тилга оламиз.

Тожик ва ўзбек халқлари ўртасидаги маданий алоқалар 2017 йил май ойида Тожикистонда Ўзбекистон маданияти ва санъати кунлари, 2017 йил октябрь ойида Ўзбекистонда Тожикистон маданияти кунлари ўтказилиши билан кенг миқёсда бошлаб берилди. Сурхон воҳасида бахшиларнинг гулдўрос садоларга йўғрилган овозлари хали дунё бўйлаб таралиб турган бир чоғда эса қадимий шаҳар Қўқонда халқ озаки ижоди-га бағишлаб ўтказилган халқаро фестивалда яна янги-янги истеъодлар ҳажонга танилди. Бундай мисоллар кўп. Қисқача айтганда, санъат халқ қалбига йўл торса, оқилона олиб борилган сиёсат турли халқлар санъати муштараклигига асос солиши мумкинлигини бугун Ўзбекистон дунёга исботламоқда!

«Халқ сўзи».

«Обод марказ» дастури:

ОДАМЛАРГА БАХТ УЛАШГАН ЭЗГУЛИК

УНИНГ САМАРАСИ НАМАНГАН ВИЛОЯТИДА ҲАМ БҮЙ КЎРСАТДИ.

Дастур ижроси доирасида барпо этилган тураржой бинолари аҳолининг уйга бўлган эҳтиёжини қондиришда муҳим қадам бўлди. Йўлнинг икки тарафида қад ростилаган 5 та уч қаватли бино 90 та оилани ўз бағрига олди. Биринчи қаватидан савдо ва маиший хизмат

яшил хиёбон ажодларга эҳтиром ва ёшлар учун ибрат маскани бўлиб хизмат қилиши, шубҳасиз. — Бугун Тошбулоқ кўчаларини айланиб, шаҳримизнинг янги ҳаёти бошланганига амин бўлдим, — дейди 95 ёшли Абдусалом ота Раҳмонов. — Бу ерда аҳоли муносиб турмуш кечириши

сиб этганидан бошимиз осмонда.

— Кейинги бир йилда Тошбулоқ энига ҳам, бўйига ҳам ўсиб, умумий майдони 120 гектарга етди, — дейди туман қурилиш бўлими бошлиғи Улуғбек Холматов. — Бу шаҳарчамизда бунёдкорлик ишлари бундан бундан ҳам изчил давом эттирилади, деганидир. Дарҳақиқат, олдинда 27 минг аҳоли яшаётган шаҳарнинг ичимлик суви таъминотини яхшилаш борасидаги ишларимизни ниҳоясига етказиш, қурилиши бошланган 189 та кўп қаватли тураржойни битказиш, кичик саноат зонасида 28 нафар тadbиркор томонидан барпо этилаётган ишлаб чиқариш, хизмат кўрсатиш ишоотларининг қурилишини тугаллаш сингари долзарб вазифалар турбиди. Уларнинг барчаси йил охирига қадар ижросини топади.

«Обод марказ» дастури доирасидаги бунёдкорлик ва ободонлаштириш юмушлари вилоятнинг барча туманларида жадал давом эттирилмоқда.

Қудратилла НАХМИДИНОВ («Халқ сўзи»).

Ҳамдон МАМАДАЛИЕВ олган суратлар.



кўрсатиш шохобчалари ўрин эгаллаган 2 та 5 қаватли уйга эса 96 та оила кўчиб кирди. Бу ерда барпо этилган “Хотира хиёбони” нафақат тошбулоқликлар, айни чоғда шаҳар меҳмонлари учун ҳам ардоқли масканга айланиши кўтиляпти. Зеро, марказида “Мотамсаро она” хайкали салобат тўкиб турган ушбу ям-

уҳун яратилган шарт-шароитни кўриб, «Обод марказ» дастури ижросини ташкил этган инсонларга тасанно айtdик. Бундай кенг ва раво йўллар, обод кўчалар, шинам уйлари ҳар ким орзу қилади. Тошбулоқликларнинг ана шу орзулари рўёбга чиққанидан ва бу бахт бизнинг ҳам фарзандларимизга на-

Хабар

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ КЎМИТАЛАРИ ВА ИДОРАЛАР ТОМОНИДАН ҚАБУЛ ҚИЛИНГАН НОРМАТИВ-ҲУҚУҚИЙ ҲУЖАТЛАРНИ ДАВЛАТ РЎЙҲАТИДАН ЎТКАЗИШ ҲОЛАТИ ТЎҒРИСИДА 2019 ЙИЛ 22 ИЮНДАН 28 ИЮНГАЧА БЎЛГАН МАЪЛУМОТНИ ХАБАР ҚИЛАДИ.

I. Давлат рўйхатидан ўтказилди:

1. Ўзбекистон Республикаси молия вазирининг 2019 йил 20 майдаги 59-сон “Ўзбекистон Республикаси бюджет ҳисобининг стандарти (9-сонли БХС) “Номодий активлар”ни тасдиқлаш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 3169. (2020 йил 1 январдан қучга кирди).
2. Ўзбекистон Республикаси бандлик ва меҳнат муносабатлари вазирининг 2019 йил 3 июндаги 24-2019-Б-сон “Спирт ва ликёр-ароқ ишлаб чиқариш ходимлари учун меҳнат муҳофазаси қондаларига ўзгартиришлар киритиш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 1755-3. (2019 йил 24 июндан қучга кирди).
3. Ўзбекистон Республикаси бандлик ва меҳнат муносабатлари вазирининг 2019 йил 3 июндаги 25-2019-Б-сон “Вино ишлаб чиқариш ходимлари учун меҳнат муҳофазаси қондаларига ўзгартиришлар киритиш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 1754-3. (2019 йил 24 июндан қучга кирди).
4. Ўзбекистон Республикаси молия вазирининг 2019 йил 12 июндаги 72-сон “Ўзбекистон Республикаси Давлат бюджетидан молиялаштирилган бюджет ташкилотлари бўйича тармоқ, штатлар ва контингентга доир режанинг бажарилиши тўғрисидаги чораклик ва йиллик ҳисобот шакллари тасдиқлаш ҳақида”ги буйруқнинг 28-илова-сига ўзгартириш киритиш тўғрисида”ги буйруғи.

- 2019 йил 24 июнда рўйхатдан ўтказилди, рўйхат рақами 2837-2. (2019 йил 24 июндан қучга кирди).
5. Ўзбекистон Республикаси адлия вазирининг 2019 йил 24 июндаги 269-мх-сон “Идоравий норматив-ҳуқуқий ҳужжати давлат реестридан чиқариш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 783-1. (2019 йил 24 июндан қучга кирди).
6. Ўзбекистон Республикаси адлия вазирининг 2019 йил 24 июндаги 270-мх-сон “Идоравий норматив-ҳуқуқий ҳужжати давлат реестридан чиқариш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 1391-1. (2019 йил 24 июндан қучга кирди).
7. Ўзбекистон Республикаси адлия вазирининг 2019 йил 24 июндаги 271-мх-сон “Идоравий норматив-ҳуқуқий ҳужжати давлат реестридан чиқариш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 1389-1. (2019 йил 24 июндан қучга кирди).
8. Ўзбекистон Республикаси адлия вазирининг 2019 йил 24 июндаги 272-мх-сон “Идоравий норматив-ҳуқуқий ҳужжати давлат реестридан чиқариш тўғрисида”ги буйруғи.
- 2019 йил 24 июнда рўйхатдан ўтказилди, рўйхат рақами 1450-1. (2019 йил 24 июндан қучга кирди).

II. Давлат реестридан чиқарилди:

1. Ўзбекистон Республикаси Макроиктисодий ва статистика вазирлиги, Молия вазирлиги, Мар-

- казий банки ва Ихтисослашган “Асака” акциядорлик-тижорат банки томонидан тасдиқланган Ўзбекистон Республикасига Халқаро тилишни ва тараққиёт банки томонидан бериладиган қара маблағларини бериш, фойдаланиш ва қайтариш тартиби (рўйхат рақами 783, 1999 йил 30 июль).
- Адлия вазирининг 2019 йил 24 июндаги 269-мх-сон буйруғига асосан давлат реестридан чиқарилди.
2. Ўзбекистон Республикаси Иқтисодиёт вазирлиги, Молия вазирлиги, Давлат солиқ қўмитаси, Ўзбекистон Республикаси Давлат мулкни бошқариш ва тadbиркорликни қўллаб-қувватлаш давлат қўмитаси, “Ўзкимёсаноат” давлат акционерлик компаниясининг “Ишлаб чиқариш қувватларини камайитириш (чиқариш) тартиби тўғрисида”ги қарори (рўйхат рақами 1391, 2004 йил 28 июль).
- Адлия вазирининг 2019 йил 24 июндаги 270-мх-сон буйруғига асосан давлат реестридан чиқарилди.
3. Ўзбекистон Республикаси Иқтисодиёт вазирлиги, Давлат мулкни бошқариш ва тadbиркорликни қўллаб-қувватлаш давлат қўмитаси, Молия вазирлиги, “Ўзкимёсаноат” ДАК, Ўзбекистон Республикаси товар-хом ашё биржасининг 2004 йил 30 июндаги 37-сон, 01/24-36-сон, 91-сон, 01-2003-сон, 42-01/393-сон “2004 йилда аммиакли селитрадан ташқари, минерал ўғитларни биржа савдоларида сотиш тартиби тўғрисида вақтинчалик низоми тасдиқлаш ҳақида”ги қарори (рўйхат рақами 1389, 2004 йил 21 июль).
- Адлия вазирининг 2019 йил 24 июндаги 271-мх-сон буйруғига асосан давлат реестридан чиқарилди.

«Jizzax mulk markazi» МЧЖ

бошлангич баҳоси босқичма-босқич ошиб бориш тартибиде ўтказиладиган очик аукцион савдоларига тақлиф этади.

1. Аукцион савдосига Бош прокуратура хузуридаги Иқтисодий жиноятларга қарши курашиш департаменти Жиззах вилояти бошқармасининг 2019 йил 15 июлдаги №13/711-19-сонли буюртма хатига асосан, Жиззах шаҳри, Сайилгоҳ кўчаси, 7-уйда сақланаётган қуйидаги автотранспорт воситалари қўйилмоқда:
 1. 2007 йилда ишлаб чиқарилган, «Nexia» русумли, давлат рақами 25 941 ОАА. **Бошлангич баҳоси — 7 372 000 сўм.**
 2. 2008 йилда ишлаб чиқарилган, «Nexia» русумли, давлат рақами 25 943 ОАА. **Бошлангич баҳоси — 7 372 000 сўм.**
 3. 2008 йилда ишлаб чиқарилган, «Nexia» русумли, давлат рақами 25 946 ОАА. **Бошлангич баҳоси — 7 372 000 сўм.**
 4. 2008 йилда ишлаб чиқарилган, «Matiz» русумли, давлат рақами 25 945 ОАА. **Бошлангич баҳоси — 5 815 000 сўм.**
 5. 2008 йилда ишлаб чиқарилган, «Matiz» русумли, давлат рақами 25 942 ОАА. **Бошлангич баҳоси — 5 815 000 сўм.**
 6. 2007 йилда ишлаб чиқарилган, «Damas» русумли, давлат рақами 25 914 ОАА. **Бошлангич баҳоси — 6 281 000 сўм.**
- Аукцион савдоси 2019 йил 19 август кунини соат 11.00 да бўлиб ўтади. Аукцион савдосида иштирок этиш истигадиги талабдорлардан аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти).
- Оқоридаги мулклар 2019 йил 19 августдаги аукцион савдосида сотилмаган тақдирда, тақрорий аукцион савдолари 2019 йил 23 ва 30 август кунлари соат 11.00 да бўлиб ўтишини олдиндан маълум қиламиз. Аризаларни қабул қилиш савдо кунига бир кун қолганда тўхтатилади.
- Савдо қолиби деб топилган шахсларга 10 иш кунини ичида сотувчи билан олди-сотди шартномаси тузиш мажбурияти юклатилади.
- Талабдорлар мулк бошлангич баҳосининг 20 фоиздан кам бўлмаган миқдордаги закалат пулини «Ипотека-банк» АТИБ Жиззах вилояти филиалидаги 22626000304946058001 ҳисоб рақамига тўлашлари шарт. МФО: 00122, ИНН: 302149531.

Аукцион савдолари ўтказиладиган манзил: Жиззах шаҳри, Заргарлик маҳалласи, Езги форум мажмуаси. Тел.: 72-222-35-77. Гувоҳнома: 4399.

ЭЪЛОН

Даъват

БИЗ БИРГАМИЗ, БИЗ — ҲАММАМИЗ...

Олисларда кўнгируғин чалар карвон, Юки оғир, йўли оғир, дарзон-ларзон, Чақмоқларин хакиб ўтар қора осмон, Кўкракка муштарлар ур мардумайдон — Эр йиғитлар, Шер сингиллар, қилч-қалқон. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Қоя чўқар, Атомининг нагрисидан, Соилар сакрар адирларнинг орасидан, Қарға кўнас Барчилларнинг тиззасига, Ҳаёт суви мангу она кўзасида. Эр йиғитлар, Шер сингиллар шевасида: Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Кўйдиргани зулмат билан юрди қанча Болта уйнаб от устидан янчиб-янча, Сув тубидан ўтлар чиқди кўк қошига. Эр йиғитлар, Шер сингиллар кўз-қошидан Уқлар сачрар, ёйлар сачрар ёв бошига. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Дунё ухлар, кун мудрарди ҳисоб билмай, Утди давру давронлари китоб билмай, Хоразмда санок чертди аждодаларим, Рух ва қалбага сабоқ берди устодларим. Илми урфон номи Турон, Эр йиғитлар, Шер сингиллар Қаздилар кон. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Бизлар киммиз, туркийларнинг асиданмиз, Соҳибқирон Амир Темир наслиданмиз, Кўбро ҳам биз, Баҳодурдин Нақибандимиз, Марғиновий, қадим тарих — Самарқандимиз. Гар Насафда нафас олса эр йиғитлар, Андижонда кашта тикса шер сингиллар, Нафасидан ҳатто қишлар исиб кетар, Каштасиза бутун олам сийиб кетар. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Юртинг усти Устюртмиди, шамол — шоқол, Ув дедими, туз кўзгилар — бирварақай. Нукус — қалғам, ҳам юракда тенгис лолам, Эй, онажон Бердаққа айт, Қалбидир най. Эр йиғитлар, шер сингиллар, Ашвор тилгилар. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Узим шоҳид Мотуридийнинг хобгоҳида, Мусичалар учиб келар тилвотада, Бухорийнинг ҳар эрталаб дароҳида Кабутарлар бошин эгар ҳаловатдан. Бу қай ошён, Гўзал имон — паноҳида, Эр йиғитлар, шер сингиллар — Нигоҳида — Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Азим Тошкент қад ростлади паҳлавондай, Тожу тахшим кўз-кўз қилиб бу жаҳонга, Тувромизни тумор айлаб эшик очди, Ер юзига буоқликдан сўзлар сочди, Подшо шахрим, Гард юқмасин жамолингга, Эр йиғитлар, Шер сингиллар саф тортишар, Озодликнинг майдонида Аҳд айлашар. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Олтин водий ҳалқасида уч гавхарим, Сирдарёда сир бермаган моҳлайкарим, Бахмаллини тўшаб кўйсан Жиззахни кўр, Какликлардан Зомин ҳақда кўшиқлар сўр, Эр йиғитлар, Шер сингиллар, Бўйинлар жўр: Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан.

Дуру маржон, боғу бўстон, Ўзбекистон, Кўзим нури мусаффо тонг, Ўзбекистон, Сажда этдим дуо сўраб, бобо юртим, Ҳар лаҳзада ризо сўраб, момо юртим, Эр йиғитлар, шер сингиллар, Қил кўтарди, Она, инон, Ота, инон. Қани бирга, биз биргамиз, биз — ҳаммамиз, Азиз Ватан, жоним Ватан, шоним Ватан...

Абдували КУТБИДИН.



Халқаро кредит линиялари

истиқболли лойиҳалар рўёбига йўналтирилмоқда

Инвестициявий лойиҳалар муваффақиятини таъминловчи омиллар жуда кўп. Шулардан энг зарури — бизнес учун қулай муҳит! Айни сабабдан, давлатимиз раҳбари томонидан ишбилармонларни қўллаб-қувватлаш, тадбиркорлар сафини кенгайтириш, ички бозорни импорт ўрнини босувчи ва экспортбоп маҳсулотлар билан тўлдириш чоралари кўрилмоқда.

Мазкур жараёнда давлат ва жамоат ташкилотлари қаторида, мамлакатимиз молия муассасалари ҳам фаол иштирок этипти. Жумладан, "Туронбанк" акциядорлик тижорат банкининг ҳам иқтисодиёт тармоқлари ҳамда кичик бизнес вакилларига ажратилган кредит маблағлари аҳоли турмуш фаровонлигини юксалтиришга йўналтирилаётгани билан эътиборга молик, десак, аини ҳақиқат.

Эзгу мақсадларга — йирик сармоя

"Туронбанк" АТБнинг хорижий кредит линияларини жалб қилиш ва ўзлаштириш борасидаги савб-ҳаракатларига назар тасласак, хусусан, ўтган йили Президентимизнинг 2018 йил 20 июндаги "Халқаро тикланиш ва тараққиёт банки иштирокида "Ўзбекистон Республикасида мева-сабзавотчилик тармоғини ривожлантириш" лойиҳасини амалга ошириш чора-тадбирлари тўғрисида"ги қарорига асосан, 25 млн. АҚШ доллари миқдорида кредит линиялари жалб этилгани сўзими тасдиқлайди. Ҳозиргача ушбу маблағлардан 21 млн. АҚШ доллари, яъни 84 фоизи ўзлаштирилди. Натигада бир қатор бизнес-режалар муваффақиятли рўёбга чиқарилди. Шулардан бири Навоий вилоятининг Қизилтепа туманида фаолият олиб бораётган "Адишбобо" фермер хўжалигига тегишлидир. Мазкур хўжалик замонавий технологиялар асосида 9 гектар ер майдонида иссиқхона ташкил этишни мақсад қилган эди. Аҳолини арзон нархларда сархил неъматлар билан таъминлашга қаратилган лойиҳа 2,6 млн. АҚШ доллари миқдоридаги маблағ ҳисобидан молиялаштирилди.

"Sag agro Yakkabog'" масъулияти чекланган жамияти лойиҳаси ҳам мазкур йўналишда. Кичик бизнес субъекти Қашқадар вилоятининг Яккабоғ туманида интенсив усулда ёнғокзорлар барпо этмоқчи эди. Бу лойиҳанинг ҳар томонлама истиқболли эканлиги ҳисобга олиниб, МЧЖ 2 млн. АҚШ доллари миқдоридаги кредит билан таъминланди. Натигада корхона томонидан маҳаллий аҳоли вакиллари учун 135 та янги иш ўрни яратиш имконияти пайдо бўлди.

Қишлоқ хўжалиги маҳсулотлари еттиштириш бораберида, уни қайта ишлаш масаласи ҳам эътиборда. Сурхондарё вилоятининг Олтинсой туманидаги масъулияти чекланган жамият шаклидаги "East-West Surxon" кўшма корхонаси аини шу мақсадда ташкил этилди. Мазкур янги сановат субъектига мева-сабзавотни замонавий услубда қайта ишлашга мўлжалланган ускуналарни сотиб олиш учун 2 млн. АҚШ доллари миқдорида кредит ажратилди ва экспорт йўлга қўйилди.

Бизнесга барака кирса...

Халқимиз орасида "Парранда — етти хазинанинг бири, чорва — хонадон баракаси", деган нақллар бор. Бу гаплар қанчалик ҳақиқатга тўғри келишини ушбу тармоқда бизнес фаолиятини йўлга қўйганлар

яқши билишади. Энг муҳими, мазкур йўналишдаги тадбиркорлик давлатимиз ва халқаро молия муассасалари томонидан ҳам қўллаб-қувватланмоқда. Президентимизнинг 2017 йил 16 сентябрдаги "Халқаро тикланиш ва тараққиёт банки ҳамда Халқаро тараққиёт ассоциацияси иштирокида "Ўзбекистон Республикасида чорвачилик секторини ривожлантириш" лойиҳасини амалга ошириш чора-тадбирлари тўғрисида"ги қарори аини шу соҳа ривожига қаратилган. Унга асосан, 10 млн. АҚШ доллари миқдоридаги кредит линияси жалб этилган. Ҳозиргача ушбу маблағларнинг асосий қисми — 9,1 млн. АҚШ доллари ўзлаштирилиб, бир қатор хайрли ишларга қўл урилди. Масалан, Сирдарё вилоятининг Мирзаобод туманидаги "Мирзаобод Асп Парранда" масъулияти чекланган жамияти 1,7 млн. долларилик кредит ҳисобидан товуқ сақлашга мўлжалланган 6 дана ускуна (несушка) сотиб олган бўлса, Самарқанд вилоятининг Булунгур туманида жойлашган "Жавохир Самарқанд парранда агрофирмаси" масъулияти чекланган жамияти 1 млн. АҚШ доллари миқдоридаги сармоя ҳисобидан паррандачилик тармоғини ривожлантиришга эришмоқда.

"Milk Agro Alliance" МЧЖ Тошкент вилоятининг Зангиота туманида жойлашган. Корхона фаолияти насли қорамолларни кўпайтиришга ихтисослаштирилган. Ҳоридан зотдор моллар келтириш эса катта маблағ талаб этади. Бу борада тузилган лойиҳа мутасаддиларга маъқул келиб, молиялаштирилди. Шу мақсадда 936 минг доллар миқдорида кредит ажратилди. Ана шу савб-ҳаракат 76 кишининг бандлигини таъминлаш имконини берганидан маҳаллий аҳоли вакиллари ҳам мамнун.

Илғор технологиялар — муваффақият гарови. Модернизациясиз ривожланишга эришиш мушкул. Айниқса, ишлаб чиқариш тармоқларида. Шу боис ишбилармонлар ўз сановат корхоналарини энг сўнгги русумдаги, энергия тежовчи, унумдор, юқори сифатли қафолатловчи технология ва дастгоҳларни харид қилиш пайдан бўлишади.

Модернизациясиз ривожланишга эришиш мушкул. Айниқса, ишлаб чиқариш тармоқларида. Шу боис ишбилармонлар ўз сановат корхоналарини энг сўнгги русумдаги, энергия тежовчи, унумдор, юқори сифатли қафолатловчи технология ва дастгоҳларни харид қилиш пайдан бўлишади.

Давлатимиз раҳбари томонидан 2018 йил 16 октябрда имзоланган "Осиё тараққиёт банки иштирокидаги "Мева-сабзавотчилик тармоғида қўшилган қиймат яратиш закирини ривожлантириш" лойиҳасини амалга оширишга доир қўшимча чора-тадбирлари тўғрисида"ги қарорда ана шу жиҳатлар тўлиқ ўз ифодасини топган. Мазкур ҳужжатта мувофиқ, 40 млн. АҚШ доллари миқдорида кредит линиялари жалб этилиб, шу кунгача 23,2 млн. долларлик қисми ўзлаштирилгани қувонarliдир.

Чунончи, Сурхондарё вилоятининг Олтинсой туманидаги "BEST VEG" масъулияти чекланган жамияти ана шундай қўмакка муҳтож эди. Негаки, корхона иш-

порт ҳамда махсус техника воситалари ва қишлоқ хўжалиги техникаларини сотиб олиш учун 17,2 млн. АҚШ доллари ўзлаштирилиб, аниқ мақсадлар учун ажратилди.

Энергия таъминоти яхшиланади

Бинобарин, Хитой Экспорт-импорт банкининг 58,5 млн. АҚШ доллари миқдоридаги кредит маблағларини жалб қилиш юзасидан келишув имзоланган ва амалий ишларга киришилган. Ушбу сармоялар Президентимизнинг 2017 йил 2 майдаги "2017 — 2021 йилларда гидроэнергетикани янада ривожлантириш чора-тадбирлари дастури тўғрисида"ги қарори ижросига йўналтирилмоқда. Пировардида ўтган йили "Ўзбекгидроэнерго" АЖ таркибидagi ГЭСларни модернизация қилиш, шунингдек, янги кичик ГЭСлар қуриш лойиҳалари молиялаштирилди. Қолаверса, мазкур банк билан имзоланган келишувга биноан, қўшимча 85,8 млн. АҚШ доллари миқдорида кредит жалб қилиниши ҳисобида республикамиздаги мавжуд 4 та ГЭСни модернизация қилиш ва 5 та кичик ГЭС қуриши молиялаштириш ишлари бошлаб юборилган. 2019 йилда "Ўзбекгидроэнерго" АЖ таркибидagi ГЭСларни модернизация қилиш, янги кичик ГЭСларни қуриш учун Хитойнинг Экспорт-импорт банкидан 40,7 млн. АҚШ доллари ва 24,8 млн. АҚШ доллари миқдорида кредит маблағларини жалб қилиш юзасидан музокаралар олиб борилмоқда.

Музокаралар давом этмоқда

Эришилган натижалар билан бирга, истиқболдаги режалар ҳам катта. Жумладан, келгусида Осиё тараққиёт банки кредит линиясидан 40 млн. АҚШ доллари, Хусусий секторни ривожлантириш ислом корпорацияси кредит линиясидан 10 млн. АҚШ доллари, Халқаро ислом савдо-молиялаштириш корпорацияси кредит линиясидан 6 млн. АҚШ доллари, Япония халқаро ҳамкорлик агентлиги кредит линиясидан 50 млн. АҚШ доллари, Жаҳон банкидан 40 млн. АҚШ доллари миқдорида маблағлар жалб қилиниши кутилмоқда. Германиянинг "АКА Банк"дан эса 12 млн. евро кредит линия маблағлари жалб қилиниши режалаштирилган. Шунингдек, "Туронбанк" АТБ ва Қишлоқ хўжалигини ривожлантириш халқаро жамғармаси ўртасида 5 млн. АҚШ доллари миқдорида келишув имзоланиши арафасида турибди.

Албатта, ушбу хорижий кредит линиялари ҳисобидан жалб этилган маблағлар иқтисодиётимизнинг турли жаҳдаларига йўналтирилиб, бозорларимиз тўқинлиги, аҳоли бандлиги ва нарх-наво барқарорлигига хизмат қилаётгани билан аҳамиятлидир.

Банк ахборот хизмати.

Хизматлар лицензияланган.

РЕКЛАМА



Ташаббус Бойсунда замонавий туризм маркази бунёд қилинади

Сурхондарё вилоятининг Бойсун туманида Туркиянинг "Idealist" шахарсозлик, меъморчилик ва муҳандислик компанияси томонидан замонавий сайёҳлик маркази барпо этилади. Лойиҳага кўра, Бойсун туманининг Омонхона қишлоғидан Зовбоши тоғли ҳудудигача бўлган манзилда анъанавий қишлоқ ҳаётини акс эттирувчи маданий, тиббий ва табиат туризми марказлари яратилади.

Хусусан, маданий туризм марказида йирик маданий маскани, амалий санъат ҳамда ҳунармандчилик устаноналари, ўтовлар мажмуаси, ойнаванд айвонлар, автотураргоҳ ва бошқа хизмат кўрсатиш объектлари қад ростласа, табиат туризми марказида меҳмонхона, савдо шохобчалари, тиббий муассаса, вилла ҳамда эко-бўғлар жойлаштирилади. Тиббий туризм марказида

тоғ-дор йўли бекати, махсус майдонлар, масжид ва меҳмонхоналар қурилиши кўзда тутилган. Ҳар учала туризм маркази тоғ-дор йўли орқали ўзаро боғланиб, эркин тоғ веломаршрутлари ҳам ташкил этилади.

Лойиҳа 20 йил давомида, 4 босқичда амалга оширилиши белгиланган.

Илхом РАҲМАТОВ («Халқ сўзи»).

«C and H Industry» МЧЖ ХК Volvo Construction Equipment ва SDLG корхоналарининг. Ўзбекистон Республикаси ҳудудида расмий дилерлик фаолиятини юритиб келмоқда ва қуйидаги махсус қурилиш техникаларини таклиф қилади: Гилдиракли экскаваторлар (ковши ҳажми 0.3 кубдан 1.1 кубгача). Занжирли экскаваторлар (ковши ҳажми 1.0 кубдан 3.0 кубгача). Шунингдек, SDLG (Хитой Халқ Республикаси) корхонаси VOLVO GROUP таркибига кириб, экскаватор-юклагичлар, фронтал юклагичлар, автогрейдерлар ва катокларни ҳам ишлаб чиқаради. VOLVO махсус қурилиш техникалари (Volvo Group таркибига киради) фронтал юклагичлар, Экскаватор-юклагичлар, Автогрейдерлар, Катоклар. Таклиф этилаётган барча техника учун қафолат мuddати тақдим қилинади. Техник хизматлар кўрсатиш маркази ва эҳтиёт қисмлар омбори мавжуд. Тўлов шартлари: пул ўтказиш, лизинг. Манзил: Тошкент вилояти, Зангиота тумани, «Ўзғариш» ҚФЙ, Беларик маҳалласи, 712-йў. (Мўлжал: «Турон» автосалони). Тел.: 90-123-77-77, 71-252-50-03. Маҳсулотлар сертификатланган.

Халқ сўзи Народное слово. МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси. Бош муҳаррир Ўткир РАҲМАТОВ. 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 756. 52 457 нусхала босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нарҳда. ТЕЛЕФОНЛАР: Девонхона 71-233-52-55; Котибият 71-233-10-28; Эълонлар 71-232-11-15. «Шарқ» нашрийт-матбаа акциядорлик компанияси босмахонаси. Корхона манзили: Буюк Турон кўчаси, 41. ҶАА якуни — 22.45 Топширилди — 23.40 2 3 4 5 6